

Reconocimiento importante di Departamento di Estado Mericano

Jeannette Richardson Baars un heroe global contra traficacion di hende

ORANJESTAD—Coordinado Nacional contra Traficacion di Hende Jeannette Richardson Baars ta reconoci como un heroe pa Secretario di Estado Mericano Hillary Clinton. Y otro siman, e Alto Inspector cu ta encarga cu Scol di Polis Edgar Watty Vos y ta e Coordinador Nacional pa e grupo di trabou contra traficacion di hende, lo ricibi su premio prestigioso durante un ceremonia na Departamento di Estado na Washington DC. E premio, segun Richardson Baars na BON DIA Aruba a bin totalmente inespera. E mes a keda no-

tifica recientemente for di Consulado Mericano cu tin bon noticia p'e. "Nan a bisa mi cu a nomina mi pa e Premio TIP. Ami no tabata sa nada y mi no tabata sa ni kico e premio ey ta." TIP ta para pa Traffic in Persons y tur aña Departamento di Estado ta saca su rapport riba e desaroyo aki. Na 2011 Aruba a haya un bon evaluacion den e TIP Report. E Embahador Global pa Traficacion di Hende, Louis de Baca hasta tabata na Aruba den pasado, a yama Minister Dowers personalmente, despues cu a cita e Minister di Husticia di Aruba den e TIP Report di 2011.

Awor, cu reconocimiento di e Coordinado Nacional na nivel global ta ilustra cu Aruba ta haciendo un bon trabou pa combati traficacion di hende. Manera ta conoci traficacion di hende ta diferente cu transporte ilegal di hende. Traficacion di Hende ta abuso di hende, sea riba tereno di labor, prostitucion of cualkier otro forma di saca probecho di un persona sin tene cuenta cu su derechonan humano. "Mi tabata sorprendi, pasobra no ta ami so ta traha riba e tereno pa para traficacion di hende. Ta hopi



Coordinado Nacional contra Traficacion di Hende
Jeannette Richardson Baars

hende ta forma parti di e grupo di trabou. Sin nan, ami lo no por haci nada," Richardson Baars a bisa. Manera ta conoci Departamento di Estado Mericano ta evalua tur pais y ta determina kico ta haciendo pa actua contra traficacion di hende. Aruba a resalta door cu den corto tempo a logra haci hopi y mas ainda ta mira progreso continuo den e accionnan pa para e crimen contra humanidad aki. Sin mucho fondo Aruba a logra bin cu un campaña 'Habri bo Wowo,' cu a hala hopi atencion. Mas ainda, e Coordinado Nacional di Aruba a gana respet pa motibo di ta papia hopi habri di traficacion di hende, ta constantemente ilustra ehempelnan y hunto cu e team ta enfoca riba casonan specifico na Aruba, ademá di ta habri pa colabora cu otro pais.


Richardson Baars a bisa cu e ta hopi gradicido cu Minister di Husticia a dun'e oportunidad y espacio pa traha, y particu-

larmente pasobra e Minister a mira e importancia pa pone hopi atencion na e problematica di traficacion di hende.

Jeannette Richardson Baars a keda nomina como candidato pa e premio pa region di Caribe. Departamento di Estado ta scoge un persona cu fa resalta den e trabou complica aki pa cada region di mundo, cu ta 5 en total. Su nominacion tabata na luna di Maart y Departamento di Estado a tuma e decision e luna aki.

Sra. Richardson Baars lo biaha pronto pa Washington DC, y Diamars lo e ricibi e premio prestigioso aki durante un ceremonia special. Manera ta conoci, Secretario di Estado Hillary Clinton ta na vanguardia di victimanan di traficacion di hende y ta un di su principal causanan. E hecho cu e Coordinado Nacional di Aruba ta entre e heroenan ta ilustra e respet cu Aruba a gana cerca autoridadnan hudicial na Merca. □

Bira e PROME pa test ELMAR su Meter Prepago



Beneficianan:

- Controla bo uso di coriente
- Controla bo gastonan
- Pago na tempo
- Elimina cobranse mensual

Bo ta biba den e distrito di
Noord of San Nicolas
y kier participa?*

Registra AWE mas!

Pa mas informacion come contacto cu:
Ms. Soraya Groes 523-7124 of
Ms. Solaika Alders 523-7169

www.elmar.aw



*Sibo ta biba na Noord of San Nicolas yama nos pa informa si e servicio aki ta obtenibel den bo barjo.